



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

7 FEBRUARI 2021 (AHAD)



KERATAN AKHBAR DAN MEDIA ONLINE (KPDNHEP)

7 FEBRUARI 2021 (AHAD)

Sektor perniagaan lain akan dibuka secara berperingkat

Mohon bersabar, ikut arahan

Oleh **AMREE AHMAD**
utusannews@mediamula.com.my

PUTRAJAYA: Peniaga sektor tertentu yang masih lagi belum dibenarkan beroperasi diminta bersabar dan kekal mematuhi arahan.

Pihak Kementerian Perdagangan Dalam Negeri dan Hal Ehwal Pengguna kini sedang berbincang dengan Majlis Keselamatan Negara (MKN) untuk membolehkan semua sektor terbabit dibuka semula.

"Saya beri jaminan, kita berusaha ke arah itu dan memang merayu sangat kepada MKN untuk beri pertimbangan dan kelonggaran sebab faham ada sektor yang terkesan teruk," kata Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi.

* Beliau berkata demikian pada sidang akhbar ketika melawat kilang pengeluaran dan pembungkusan minyak masak sawit, Intercontinental Specialty Fats Sdn. Bhd. di Dengkil, dekat



ALEXANDER Nanta Linggi (tengah) meninjau kilang pengeluaran dan pembungkusan minyak sawit di Dengkil, Selangor, semalam.

sini semalam.

Lawatan itu bertujuan meninjau dari dekat proses pengeluaran minyak masak berpekuk satu kilogram susulan maklum balas pengguna kononnya berlaku kekurangan di pasaran ketika ini.

Mengulas lanjut, Alexander berkata, pihaknya menyedari kesukaran dialami sektor terbabit antaranya kedai pakaian yang menanggung kerugian sehingga terpaksa membuang pekerja.

"Kementerian memang mahu bantu dan gembira jika kedai itu dapat dibuka selain faham ada yang hampir 'gulung tikar' kerana tiada pendapatan akibat terlalu lama ditutup," tegasnya.

Sedia bincang MKN bolehkan semua sektor dibuka

Putrajaya: Kementerian Perdagangan Dalam Negeri dan Hal Ehwal Pengguna (KPDNHEP) akan mengadakan perbincangan dengan Majlis Keselamatan Negara (MKN) bagi membolehkan semua sektor perniagaan dapat kembali beroperasi seperti biasa.

Menterinya, Datuk Seri Alexander Nanta Linggi, berkata ini berikutan terdapat banyak rayuan yang diterima pihaknya meminta sektor perniagaan lain dibenarkan beroperasi.

"Kementerian memahami keperluan untuk membuka semua sektor perniagaan kerana ekonomi adalah satu keperluan, namun dengan syarat peniaga dan pengguna patuh kepada prosedur operasi standard (SOP) Perintah Kawalan Pergerakan (PKP).

"Kita sebolehnya mahu semua sektor perniagaan yang masih belum dibuka dibenarkan beroperasi tetapi semua pihak perlu berseutu untuk bekerjasama mematuhi SOP PKP pada tahap yang tinggi," katanya dalam kenyataan, semalam.

Bagaimanapun, Nanta Linggi

berkata keputusan itu bergantung kepada hasil perbincangan dengan MKN.

Sementara itu, dalam perkembangan lain Nanta Linggi berkata, bekalan minyak masak paket polibeg satu kilogram (kg) masih cukup dan tidak seperti yang didakwa oleh orang ramai bahawa bekalan minyak berkenaan berkurangan terutama di pasar raya dan kedai runcit.

"Berdasarkan maklumat dari lapangan, kekurangan di sesebuah premis peruncit hanyalah bersifat sementara disebabkan kehabisan stok dan peruncit berkenaan sedang menunggu penghantaran baru dari pemborong mereka," katanya.

Nanta Linggi berkata, kerajaan menyediakan subsidi minyak masak paket polibeg sekilogram pada harga kawalan untuk meredakan beban kos sara hidup rakyat.

"Sebanyak 60,000 tan sebulan atau 720,000 tan setahun minyak masak bersubsidi diperuntukkan dalam bentuk paket polibeg 1kg. Ini bersamaan dengan 60 juta pe-



Nanta Linggi ketika tinjauan ke sebuah kilang pengeluaran dan pembungkusan minyak masak sawit di Dengkil.
(Foto FB Nantcha Linggi/BH)

ket 1kg sebulan atau 720 juta paket 1kg setahun.

"Jika dibandingkan rakyat Malaysia yang berjumlah 32.7 juta orang, bermakna 1.8 kilogram sebulan atau 22 kilogram setahun untuk setiap rakyat (termasuk ka-

nak-kanak).

"Tahun lalu, jumlah pengeluaran minyak masak bersubsidi dan tidak bersubsidi adalah sebanyak 1,836,000 tan. Sebagai langkah sementara, KPDNHEP melaksanakan Arahan Penetapan Had Pem-

belian Minyak masak Pek Polibeg sekilogram pada peringkat peruncit bermula 19 Januari lalu.

"Setiap pengguna hanya dihadkan tiga paket polibeg satu kilogram bagi setiap pembelian," katanya.

Kebenaran bergantung pada hasil perbincangan dengan MKN

Bincang buka kedai sukan, kosmetik

Oleh NUR SHARIEZA ISMAIL

DENGKIL. – Kementerian Perdagangan Dalam Negeri dan Hal Ehwal Pengguna (KPDNHEP) akan berbincang dengan Majlis Keselamatan Negara (MKN) untuk membuka beberapa sektor perniagaan yang lain.

Menterinya, Datuk Seri Alexander Nanta Linggi berkata, antara sektor perniagaan tersebut adalah kedai pakaian, kedai barangan sukan, kedai kelengkapan barangan rumah serta peralatan dapur dan kedai kosmetik.

Beliau berkata, kementerian memahami keperluan untuk membuka semua sektor perniagaan dengan syarat peniaga dan pengguna patuh kepada prosedur operasi standard (SOP) Perintah Kawalan Pergerakan (PKP) sepenuhnya agar penularan wabak Covid-19 dapat dibendung.

"Kita sebolehnya mahu semua sektor perniagaan yang masih belum dibuka dibenarkan beroperasi dengan syarat semua pihak bersetuju untuk bekerjasama mematuhi SOP PKP di tahap yang tinggi.

"Bagaimanapun ini bergan-



ALEXANDER

tung kepada hasil perbincangan dengan MKN yang sedang berjalan," katanya menerusi kenyataan akhbar di sini semalam.

Terdahulu, Alexander mengadakan lawatan ke sebuah kilang pengeluaran dan pembungkusan minyak masak sawit di Dengkil, Selangor.

Lawatan itu adalah bagi meninjau bekalan dan proses pengeluaran minyak masak sawit dari ladang ke kilang dan dari kilang ke pemborong serta peruncit.

Sementara itu, Alexander



KEDAI Kosmetik antara sektor perniagaan yang dibincang untuk diberi kebenaran operasi oleh kerajaan. – GAMBAR HIASAN

berkata, kekurangan bekalan minyak masak pek 1 kilogram (kg) di sesetengah premis peruncit hanyalah bersifat sementara disebabkan kehabisan stok berikutan peruncit perlu menunggu

penghantaran baru daripada pemborong mereka.

Sehubungan itu, katanya, KPDNHEP telah mendapat mandat dan peruntukan dari kerajaan untuk melaksanakan Program

bersifat 'People-Centric' dan salah satunya ialah menyediakan subsidi minyak masak pek 1 kg pada harga kawalan untuk meringankan dan mengurangkan kos sara hidup rakyat.

"Sebanyak 60,000 metrik tan sebulan atau 720,000 metrik tan sebulan minyak masak bersubsidi diperuntukkan dalam bentuk pek 1 kg. Ini bersamaan dengan 60 juta pek 1 kg sebulan atau 720 juta pek 1 kg setahun," ujarnya.

Dalam perkembangan sama, beliau berkata, sebanyak 79 kes penyelewengan minyak masak telah dikesan tahun lalu dengan nilai rampasan dianggarkan sebanyak RM664,856.

Selain itu, jelasnya, sebanyak 35 premis terdiri daripada 12 premis pengilang dan 23 premis syarikat pemasaran am minyak masak telah diperiksa dari 1 Januari sehingga 4 Februari lalu di bawah OPS RANTAI 7.0.

"Hasil pemeriksaan itu, sebanyak 31 Notis Pengesahan Maklumat Barangan dan 26 notis bertulis dikeluarkan di bawah Seksyen 21, Akta Kawalan Harga Dan Anti Pencatutan 2011," jelasnya.

KPDNHEP, MKN bincang benar lebih banyak sektor perniagaan beroperasi

PUTRAJAYA - Perbincangan untuk membenarkan sektor perniagaan yang masih belum dibenarkan buka untuk beroperasi semula sedang berjalan dengan Majlis Keselamatan Negara (MKN), kata Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi.

Menurutnya, Kementerian Perdagangan Dalam Negeri dan Hal Ehwal Pengguna (KPDNHEP) sebolehnya mahu semua sektor perniagaan yang belum

dibuka dibenarkan beroperasi dengan syarat semua pihak ber-setuju untuk bekerjasama mematuhi prosedur operasi standard (SOP) Perintah Kawalan Pergerakan (PKP) yang ketat.

"KPDNHEP sangat prihatin dan mendengar rayuan pelbagai sektor perniagaan yang meminta untuk diberikan kebenaran beroperasi.

"Kami memahami keperluan untuk membuka semua sektor perniagaan kerana 'ekonomi satu keperluan' dengan

syarat peniaga dan pengguna patuh SOP PKP sepenuhnya agar penularan Covid-19 dapat dibendung," katanya dalam kenyataan pada Sabtu.

Menurutnya, antara sektor perniagaan yang masih belum dibenarkan beroperasi adalah kedai pakaian, kedai barangan sukan, kedai barang rumah dan peralatan dapur serta kedai kosmetik.

Sementara itu dalam perkembangan berasingan, beliau berkata, hasil tinjauan pada

Sabtu di sebuah kilang pengeluaran dan pembungkusan minyak masak sawit di Dengkil, Selangor serta pemeriksaan pegawai penguat kuasa KPDNHEP di seluruh Malaysia termasuk di bandar Muadzam Shah, Rompin baru-baru ini mendapati bekalan minyak masak pek polibeg satu kilogram (kg) amat mencukupi.

"Berdasarkan maklumat dari lapangan, kekurangan di sesebuah premis peruncit hanyalah bersifat sementara dise-

babkan kehabisan stok dan peruncit berkenaan sedang menunggu penghantaran bahu daripada pemborong.

"KPDNHEP telah mendapat mandat dan peruntukan daripada kerajaan untuk melaksanakan program bersifat *people-centric* dan salah satunya adalah menyediakan subsidi minyak masak pek polibeg satu kilogram pada harga kawalan bagi meringankan dan mengurangkan kos sara hidup rakyat," kata beliau. - *Bernama*

CIPLAK GRED A 50% MURAH

Jersi baharu Harimau Malaya jadi sasaran cetak rompak dijual meluas atas talian

Oleh Mohd Jamilul
Anbia Md Denin
anbia@hmetro.com.my

Putrajaya

Baru dua bulan dilancarkan namun jersi baharu pasukan kebangsaan Malaysia edisi 2020-2022 sudah menjadi mangsa sindiket cetak rompak dan dijual meluas di platform dalam talian.

Difahamkan sindiket ber-

kenaan mampu menghasilkan jersi ciplak gred A yang menyerupai jersi sebenar pasukan Harimau Malaya yang dilancarkan secara rasmi pada 3 Disember tahun lalu.

Kegiatan cetak rompak itu bagaimanapun dibongkar susulan risikan pegawai Kementerian Perdagangan Dalam Negeri dan Hal Ehwal Pengguna (KPDNHEP) Kuala Lumpur terhadap kegiatan itu.

Ketua Pegawai Penguat Kuasa KPDNHEP Kuala Lumpur, Zubir Hamsa berkata, sindiket dikesan menjual jersi bola sepak itu di laman beli-belah dalam talian pada harga 50 peratus lebih rendah daripada harga sebenar.

"Susulan maklumat diperoleh, sepasukan anggota KPDNHEP bersama-sama wakil pemilik cap dagang menyerbu sebuah stor di tingkat dua sebuah premis di Bandar Menjalara, Kepong di sini, pe-



PEGAWAI KPDNHEP memeriksa jersi tiruan yang dirampas dalam serbuan di sebuah premis di Kepong, kelmarin.

tang kelmarin.

"Kedudukan stor itu di atas bengkel membaiki motosikal digunakan untuk mengelirukan kegiatan dilakukan suspek.

"Hasil pemeriksaan lanjut mendapati premis itu dijadikan lokasi penyimpanan ribuan baju jersi dan

stoking berjenama Nike palsu.

"Premis ini turut dijadikan 'kilang' percetakan baju jersi cetak rompak. Peralatan percetakan turut ditemui ketika serbuan dijalankan membabitkan mesin pencetak dan komputer," katanya.

Beliau berkata, pemilik premis berkenaan didapati menjual barangan cetak rompak itu menggunakan platform jual beli atas talian terkenal serta mengedarkan barangan itu di seluruh Malaysia termasuk Singapura, Hong Kong, Botswana dan pelbagai negara.



Gudang produk sejuk beku di Taman Perindustrian Puchong yang diserbu kerana menyimpan bekalan daging sejuk beku tanpa mengikut saluran yang betul.

Gudang simpan daging sejuk beku diserbu

Polis tahan 12 individu, termasuk 10 pekerja warga Myanmar tanpa permit

Oleh Suzalina Halid
suzalina@bh.com.my

Puchong: Sebuah gudang produk sejuk beku di Taman Perindustrian Puchong, di sini, diserbu pihak berkuasa malam kelmarin kerana disyaki menyimpan bekalan daging sejuk beku tanpa mengikut saluran yang betul.

Gudang sejuk beku itu yang beroperasi sejak 2005 dipercayai membekalkan organ dalaman lembu termasuk tulang, ekor, perut, paru ke pasar raya tempatan.

Dalam serbuan jam 7.30 malam itu, ia dilakukan polis dan Kementerian Perdagangan Dalam Negeri dan Hal Ehwal Pengguna (KPDNHEP) selepas menerima maklumat mengenai kegiatan terbabit.

Serbuan turut disertai Jabatan Perkhidmatan Kuarantin dan Pemeriksa-

an Malaysia (MAQIS) yang melakukan pemeriksaan terhadap bekalan daging sejuk beku yang dirampas.

Ketua Polis Daerah Serdang, Asisten Komisioner Razali Abu Samah, berkata hasil serbuan itu, polis menahan 12 individu termasuk 10 pekerja gudang warga Myanmar.

"Polis turut menahan seorang warga tempatan dan seorang warga Hong Kong untuk disiasat mengikut Seksyen 55b Akta Imigresen 1959/63 kerana disyaki mengambil pekerja yang tidak memiliki pas sah.

"Sementara 10 pekerja Myanmar itu disiasat mengikut Seksyen 6(1)(c) Akta Imigresen 1959/1963 iaitu tinggal tanpa pas atau permit sah," katanya ketika dihubungi, di sini, semalam.

Razali berkata, semua yang ditahan kemudian dibawa ke Ibu Pejabat Polis Daerah (IPD) Serdang un-



Polis turut menahan seorang warga tempatan dan seorang warga Hong Kong untuk disiasat mengikut Seksyen 55b Akta Imigresen 1959/63.

Razali Abu Samah,
Ketua Polis
Daerah Serdang

tuk tindakan selanjutnya.

Katanya, bagi rampasan bekalan berkenaan, kes diserahkan kepada pihak MAQIS untuk tindakan su-

Oleh Muhaamad Hafis
Nawawi
mhafis@hmetro.com.my

Puchong

Sebuah gudang produk sejuk beku disyaki menyimpan bekalan daging sejuk beku tidak mengikut saluran betul diserbu pihak berkuasa di Taman Perindustrian Puchong di sini, kelmarin.

Difahamkan, gudang berkenaan yang dipercayai beroperasi sejak 2005 membekalkan organ dalaman lembu termasuk tulang, ekor, perut dan paru ke pasar raya tempatan.

Ketua Polis Daerah Serdang, Asisten Komisioner Razali Abu Samah berkata, dalam serbuan jam 7.30 malam, polis menahan 12 individu termasuk 10 pekerja warga Myanmar.

"Seorang warga tempatan dan seorang warga Hong Kong ditahan untuk siasatan mengikut Seksyen 55b Akta Imigresen 1959/63 kerana disyaki mengambil pekerja

SERBU DAGING DIRAGUI

12 ditahan di gudang simpanan produk sejuk beku tak ikut saluran sah



GUDANG produk sejuk beku yang disyaki menyimpan bekalan daging sejuk beku tidak mengikut saluran yang sah di Taman Perindustrian Puchong.



yang tidak memiliki pas sah.

"Manakala 10 pekerja Myanmar pula disiasat mengikut Seksyen 6(1)(c) Akta Imigresen 1959/1963 iaitu tinggal tanpa pas atau permit yang sah," katanya ketika dihubungi di sini, semalam.

Serbuan berkenaan dibantu anggota Kementerian Perdagangan Dalam Negeri dan Hal Ehwal Pengguna (KPDNHEP) dan Jabatan Perkhidmatan Kuarantin dan Pemeriksaan Malaysia (Maqis).

Menurutnya, semua yang ditahan kemudian dibawa ke Ibu Pejabat Polis Daerah (IPD) Serdang untuk tindakan lanjut.

"Bagi rampasan bekalan berkenaan, kes diserahkan kepada Maqis untuk tindakan susulan," katanya.

Dua kontena pelbagai produk sejuk beku dirampas

PUCHONG - Pelbagai produk sejuk beku yang dipercayai tidak sah dirampas dalam serbuan di sebuah gudang di Taman Perindustrian Puchong di sini pada Jumaat.

Serbuan kira-kira jam 7.30 malam itu dilakukan sepasukan pegawai dan anggota Polis Diraja Malaysia (PDRM), Kementerian Perdagangan Dalam Negeri dan Hal Ehwal Pengguna (KPDNHEP) dan Jabatan Perkhidmatan Kuarantin dan Pemeriksaan Malaysia (Maqis).

Difahamkan, dianggarkan jumlah rampasan produk sejuk beku itu dimuatkan dalam dua buah kontena dengan nilai ratusan ribu ringgit.

Kesemua barangan antaranya daging serta organ dalaman seperti paru dibawa ke tempat

simpanan Maqis di Pelabuhan Klang, Klang untuk siasatan lanjut.

Sementara itu, Ketua Polis Daerah Serdang, Asisten Komisioner Razali Abu Samah ketika dihubungi *Sinar Harian* berkata, pihaknya telah menahan 10 pekerja gudang dipercayai warga Myanmar.

"Pekerja ini diambil tindakan mengikut Seksyen 6(1) (c) Akta Imigresen 1959/1963 iaitu tinggal tanpa pas atau permit sah.

"Selain itu tindakan turut diambil terhadap seorang warga tempatan dan warga Hong Kong yang disyaki menggaji pekerja asing yang tidak memiliki pas di bawah Seksyen 55b Akta Imigresen 1959/63," katanya pada Sabtu.

Mengulas lanjut, Razali berkata, semua suspek dibawa ke Ibu Pejabat Polis Daerah (IPD) Serdang untuk tindakan lanjut.

Dalam pada itu, sumber Maqis menjelaskan kes itu disiasat di bawah Akta Perkhidmatan Kuarantin dan Pemeriksaan Malaysia 2011 (Akta 728).

"Maqis akan menyiasat sama ada gudang terbabit mempunyai kaitan dengan kartel daging sejuk beku di Senai, Johor yang diserbu pada Disember tahun lalu," katanya.

Pada 2 Disember tahun lalu, *Sinar Harian* melaporkan pihak berkuasa menyerbu sebuah gudang daging sejuk beku di Senai dan merampas 1,500 tan pelbagai jenis daging sejuk beku yang dianggarkan bernilai RM30 juta.



Klang Valley factory raided for allegedly having frozen beef from uncertified source

» REPORT ON **PAGE 7**

UNCERTIFIED SOURCE

FACTORY PROCESSING UNVERIFIED MEAT RAIDED

11 foreigners
among 12 men
held following tip-off

MOHAMED BASYIR
KUALA LUMPUR
m.basyir@nst.com.my

A COLD storage factory in Puchong here was raided by authorities on Friday night for allegedly possessing frozen beef from an uncertified source.

Police, in a joint operation with the Domestic Trade and Consumer Affairs Ministry, raided the premises at 7.30pm following a public tip-off and detained 12 men, including 11 foreigners.



Assistant
Commissioner
Razali Abu Samah

Several packets of frozen beef were seized and handed over to the Malaysian Quarantine and Inspection Services Department (Maqis) for investigations.


Serdang police chief Assistant Commissioner Razali Abu Samah said two men, a Malaysian and a Hong Kong national, were de-

tained under Section 55(b) of the Immigration Act 1959/63 for working without a valid permit.

The others, who were from Myanmar, were detained under Section 6(1)(c) of the same act for not having valid travel passes.

The *New Sunday Times* reached out to Maqis for more details of the frozen beef seized from the cold storage factory but

has yet to receive a reply at press time.



Senarai Harga Barang Keperluan		Telur, Gred A		Gula Pasir		Cili Merah	
Ayam	RM5.90	Telur, Gred A	RM10.20	Gula Pasir	RM2.85	Cili Merah	RM0.99
Daging Lembu Tempatan	RM34	Ikan Kembung	RM8.99	Bawang Besar Holland	RM3.29	Kubis Tempatan	RM3.80
Daging Lembu Import	RM18.90	Minyak Masak	RM5.30	Bawang Putih	RM1.99	Tepung Gandung	RM2.15

*Harga (RM/kg) Sumber: KPDNHEP



KERATAN AKHBAR DAN MEDIA ONLINE (BERITA UMUM)

7 FEBRUARI 2021 (AHAD)

100,000 polis keliru kompau PKP

Oleh NURFARAHIN HUSSIN
utusannews@mediamula.com.my

PETALING JAYA: Seramai 100,000 pegawai dan anggota polis di negara ini diakui masih keliru dan bercanggah pendapat berhubung pematuhan prosedur operasi standard (SOP) Perintah Kawalan Pergerakan (PKP) sehingga ada segelintir rakyat 'tersalah' dikenakan kompaun.

Itu tidak termasuk 13 lagi agensi terlibat dengan empat daripadanya turut diberikan kuasa mengeluarkan kompaun terhadap individu ingkar SOP iaitu Kementerian Kesihatan Malaysia (KKM), Kementerian Perdagangan Antarabangsa dan Industri (MITI), Jabatan Imigresen Malaysia dan Kementerian Perdagangan Dalam Negeri dan Hal Ehwal Pengguna (KPDNHEP).

Bersambung di muka 3

100,000 polis keliru kompaun PKP

Dari muka 1

Bercakap kepada *Mingguan Malaysia*, Pengarah Jabatan Keselamatan Dalam Negeri dan Ketenteraman Awam (KDNKA) Bukit Aman, Datuk Seri Abd. Rahim Jaafar mengakui masih terdapat kekangan daripada pihak penguatkuasaan sendiri dalam proses menyalurkan maklumat kepada semua peringkat mengikut SOP dikeluarkan Majlis Keselamatan Negara (MKN).

Ujarnya, perkara ini tidak dapat dielakkan kerana setiap orang mempunyai pemahaman berlainan dan pelbagai ragam dapat dilihat dalam kelompok penguat kuasa yang semakin bertambah dalam pelaksanaan pematuan SOP.

"Kita tak nafikan kadangkala pemahaman setiap orang ber-

lainan jadi memang akan terbit masalah mengenai hal ini. Kita pun masih dalam proses untuk memahami anggota dan pegawai kita mengenai undang-undang SOP dalam tempoh PKP ini.

"Kalau dilihat dari segi komunikasi biasa pun, apabila kita sampaikan maklumat kepada orang pertama nanti orang ke 10 akan dapat maklumat berbeza. Jadi, cuba bayangkan penyaluran maklumat terhadap 100,000 pegawai dan anggota seluruh negara, sudah tentu akan wujud masalah.

"Perkara ini kita perbaiki dari masa ke masa tambahan pula SOP sentiasa berubah mengikut keadaan semasa penularan wabak Covid-19 ini," katanya ketika dihubungi di sini.

Walau bagaimanapun menurut Abd. Rahim, berbanding sebelum ini, pihak berkuasa

terlibat semakin peka dan lebih memahami situasi yang membolehkan mereka mengeluarkan kompaun dan sebaliknya.

Jelasnya, dalam mesyuarat yang diadakan setiap minggu juga pelbagai penambahbaikan diutarakan antaranya meminta Ketua Polis Daerah sendiri turun padang untuk maklumkan SOP kepada anak buah masing-masing supaya pematuan dapat dilaksanakan secara konsisten.

"Dulu memang banyak (kesalahan kompaun tidak wajar) namun sekarang dapat lihat sudah berkurangan. Sebagai contoh, ada yang mengeluarkan kompaun kerana individu ini berada di luar lebih dari pukul 9 malam sedangkan tak ada dalam undang-undang yang melarang perbuatan itu.

"Namun, undang-undang

tidak boleh keluar rumah tanpa sebab yang munasabah itu memang ada. Oleh itu, pegawai yang memahami undang-undang dari sudut itu mungkin merasakan tindakan kompaun itu adalah betul.

"Jadi, kita normalisasikan *brief and debrief*. Sebelum pasukan pematuan SOP keluar menjalankan pemantauan kita akan jelaskan SOP kepada mereka, kemudian bila mereka balik daripada penugasan kita akan periksa semula kompaun dikeluarkan adakah dibuat mengikut SOP," ujarnya.

Ketika ditanya mengenai penguatkuasaan SOP bersama 13 agensi terlibat, beliau menegaskan setakat ini tiada masalah dari segi percanggahan lokasi penugasan dan semua agensi menjalankan pemantauan mengikut bidang masing-masing.